

UREDBU**O FEDERALNOM ŠTABU CIVILNE ZAŠTITE****I - OSNOVNA ODREDBA**

Član 1.

Ovom uredbom osniva se Federalni štab civilne zaštite (u daljem tekstu: Federalni štab), kao stručno-operativno tijelo Federacije Bosne i Hercegovine (u daljem tekstu: Federacija) za zaštitu i spašavanje ljudi i materijalnih dobara od prirodnih i drugih nesreća, uređuje njegov djelokrug, unutrašnja organizacija, popuna, finansiranje, opremanje, obučavanje i osposobljavanje i druga pitanja od značaja za organizaciju i rad Federalnog štaba.

II - NADLEŽNOST FEDERALNOG ŠTABA I NAČIN OSTVARIVANJA FUNKCIJE

Član 2.

Federalni štab je stručno-operativni organ koji je ovlašten za vršenje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakon), stavljeni u nadležnost.

U vršenju poslova iz svoje nadležnosti, Federalni štab funkcioniše stalno, onda kada Vlada Federacije proglasi nastanak prirodne ili druge nesreće u Federaciji, a u periodu kada ne postoje prirodne ili druge nesreće, Federalni štab svoje funkcije ostvaruje povremeno, prema potrebi i to onda kada razmatra stanje priprema, organizovanost, opremljenost i osposobljenost za zaštitu i spašavanje svih nosilaca zaštite i spašavanja na području Federacije i predlaže mjere za dogradnju sistema zaštite i spašavanja i kada djeluje preventivno, u cilju sprečavanja nastavljanja prirodne ili druge nesreće i učestvuje u vježbama i drugim vidovima obučavanja i osposobljavanja.

Federalni štab odlučuje o pružanju pomoći Republičkom štabu civilne zaštite Republike Srpske na njegov zahtjev, u skladu sa Sporazumom o saradnji u ostvarivanju zadataka civilne zaštite ("Službene novine Federacije BiH", broj 36/01) i o pružanju pomoći nadležnim organima Republike Hrvatske, na zahtjev državnih organa Bosne i Hercegovine u skladu sa Sporazumom između Vijeća ministara Bosne i Hercegovine i Vlade Republike Hrvatske o saradnji u zaštiti od prirodnih i civilizacijskih katastrofa ("Službeni glasnik BiH", broj 7/01).

U hitnim slučajevima, kada se Štab ne može sastati, odluku o pomoći iz stava 1. ovog člana donosi komandant Federalnog štaba, na prijedlog načelnika Štaba.

III - ORGANIZACIJA I SASTAV FEDERALNOG ŠTABA

Član 3.

Federalni štab čine komandant, načelnik i 17 članova.

Član 4.

Komandant Federalnog štaba je po položaju jedan od zamjenika premijera Vlade Federacije Bosne i Hercegovine (u daljem tekstu: Vlada Federacije).

Član 5.

Direktor Federalne uprave civilne zaštite (u daljem tekstu: Federalna uprava), po položaju je načelnik Federalnog štaba.

Član 6.

Sekretar Crvenog križa Federacije Bosne i Hercegovine, kao i direktor Ureda za informisanje Vlade Federacije, su po funkciji članovi Federalnog štaba.

Član 7.

Članovi Federalnog štaba iz federalnih ministarstava i Federalne uprave su:

1. rukovodeći državni službenik u Federalnom ministarstvu odbrane-Federalnom ministarstvu obrane;
2. rukovodeći državni službenik Federalnog ministarstva unutarnjih poslova;
3. rukovodeći državni službenik u Federalnom ministarstvu energije, rudarstva i industrije;

**VLADA FEDERACIJE
BOSNE I HERCEGOVINE****550**

Na osnovu člana 24. tačka 5., a u vezi člana 106. i člana 114. stav 4. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03), Vlada Federacije Bosne i Hercegovine, na prijedlog Federalne uprave civilne zaštite, donosi

4. rukovodeći državni službenik u Federalnom ministarstvu prometa i komunikacija;
5. rukovodeći državni službenik u Federalnom ministarstvu reseljenih osoba i izbjeglica;
6. rukovodeći državni službenik u Federalnom ministarstvu zdravlja;
7. rukovodeći državni službenik u Federalnom ministarstvu trgovine;
8. rukovodeći državni službenik u Federalnom ministarstvu prostornog uređenja i okoliša;
9. rukovodeći državni službenik u Federalnom ministarstvu poljoprivrede, vodoprivrede i šumarstva;
10. zamjenik direktora Federalne uprave;
11. pomoćnik direktora Federalne uprave zadužen za mjere zaštite i spašavanja;
12. pomoćnik direktora Federalne uprave zadužen za zaštitu od NUS-a.

Ostala tri člana Federalnog štaba određuje direktor Federalne uprave iz reda državnih službenika koji neposredno vrše poslove zaštite od požara, radiološke, hemijske i biološke zaštite, zaštitu okoliša i zaštitu životinja i namirnica životinjskog porijekla.

Član 8.

Komandanta, načelnika i članove Federalnog štaba postavlja i razrješava Vlada Federacije na prijedlog direktora Federalne uprave koji je usaglašen sa rukovodiocima federalnih organa iz člana 7. ove uredbe, s tim što su ti rukovodioci dužni obezbijediti dosljednu primjenu kriterija iz odredbe člana 7. ove uredbe.

Federalni štab vrši poslove iz svoje nadležnosti samostalno i za svoj rad je odgovoran Vladi Federacije.

Član 9.

U izvršavanju složenijih zadataka zaštite i spašavanja Federalni štab može angažovati i druge državne službenike iz federalnih organa uprave i eksperte na profesionalnom radu u naučnim ustanovama i drugim pravnim licima.

O angažovanju lica iz stava 1. ovog člana, odlučuje komandant Federalnog štaba, na prijedlog načelnika ili nekog od članova Federalnog štaba.

Član 10.

Sjednice Federalnog štaba saziva i njima predsjedava komandant Federalnog štaba.

U slučaju da je komandant spriječen da vrši svoju funkciju, sjednice Federalnog štaba saziva i predsjedava načelnik Federalnog štaba.

Federalni štab će donijeti poslovnik o svom radu.

Član 11.

Federalni štab ima pečat koji se izdaje u skladu sa Zakonom o pečatu Federacije Bosne i Hercegovine ("Službene novine Federacije BiH", br. 2/94 i 21/96).

Član 12.

Sjedište Federalnog štaba je u Sarajevu, a sjednice se održavaju u mjestu određenom u poslovniku o radu Federalnog štaba.

IV - STRUČNA SLUŽBA FEDERALNOG ŠTABA

Član 13.

Funkciju stručne službe Federalnog štaba vrši Federalna uprava.

U vršenju poslova u funkciji stručne službe, Federalna uprava obavlja stručne, administrativne, tehničke i druge poslove neophodne za rad Federalnog štaba što se bliže utvrđuje Pravilnikom o unutrašnjoj organizaciji Federalne uprave.

V - OPREMANJE I FINANSIRANJE FEDERALNOG ŠTABA

Član 14.

Federalni štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova Štaba i za izvršavanje zadataka iz njegove nadležnosti.

Član 15.

Sredstva za finansiranje Federalnog štaba obezbjeđuju se u budžetu Federacije, kao i iz sredstava iz člana 180. Zakona i donacija.

Sredstva potrebna za rad Federalnog štaba, kao i finansijski plan, utvrđuje Štab.

Naredbodavac za finansijska sredstva je komandant Federalnog štaba, a u slučaju njegove spriječenosti, načelnik Štaba.

VI - PRELAZNE I ZAVRŠNE ODREDBE

Član 16.

Imenovanje komandanta, načelnika i članova Federalnog štaba izvršit će se najkasnije u roku od 15 dana od dana stupanja na snagu ove uredbe.

Član 17.

Danom stupanja na snagu ove uredbe, prestaje da važi Uredba o Federalnom štabu civilne zaštite ("Službene novine Federacije BiH", broj 36/00) i Odluka o utvrđivanju funkcija u Federalnim organima uprave čiji su izvršioci po položaju članovi Federalnog štaba civilne zaštite ("Službene novine Federacije BiH", broj 36/00).

Član 18.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 495/03

2. oktobra 2003. godine
Sarajevo

Premijer
dr. Ahmet Hadžipašić, s. r.

Član 3.

Ova Uredba stupa na snagu narednog dana od dana objavljivanja u "Službenim novinama Federacije BiH".

V broj 379/06
6. jula 2006. godine
Sarajevo

Premijer
dr. **Ahmet Hadžipašić**, s. r.

**450**

Na osnovu člana 24. tačka 5., a u vezi člana 106. i člana 114. stav 4. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03 i 22/06), Vlada Federacije Bosne i Hercegovine, na prijedlog Federalne uprave civilne zaštite, donosi

UREDBU**O IZMJENAMA I DOPUNAMA UREDBE O
FEDERALNOM ŠTABU CIVILNE ZAŠTITE**

Član 1.

U Uredbi o Federalnom štabu civilne zaštite ("Službene novine Federacije BiH", broj 54/03), u članu 3. broj "17" zamjenjuje se brojem "16".

Član 2.

U članu 7. stav 1. tačka 1. briše se.

U tački 8. u drugom riječi: "i okoliša" brišu se.

Iza tačke 9. dodaje se nova tačka 10, koja glasi:

"10., rukovodeći državni službenik u Federalnom ministarstvu okoliša i turizma;"

Dosadašnje tač. 2 do 9 i nova tačka 10. postaju tač. 1. do 9.

Na osnovu člana 24. tačke 5, a u vezi člana 106. stav 1. i člana 114. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03 i 22/06), Vlada Federacije Bosne i Hercegovine, na prijedlog Federalne uprave civilne zaštite, donosi

UREDBU

O IZMJENAMA I DOPUNAMA UREDBE O FEDERALNOM ŠTABU CIVILNE ZAŠTITE

Član 1.

U Uredbi o Federalnom štabu civilne zaštite ("Službene novine Federacije BiH", br. 54/03 i 38/06), u članu 3. broj "16" zamjenjuje se brojem "19".

Član 2.

U članu 7. stav 1. tačka 8. riječi: "rukovodeći državni službenik" zamjenjuju se riječima: "dva rukovodeća državna službenika".

Tačka 10. mijenja se i glasi:

"10. sekretar Federalne uprave".

Tačka 12. mijenja se i glasi:

"12. pomoćnik direktora Federalne uprave zadužen za zaštitu od neeksplozivnih ubojnih sredstava i deminiranje".

U stavu 2. u prvom redu riječ "tri" zamjenjuje se riječju "četiri", a na kraju teksta tačka se zamjenjuje zarezom i dodaju riječi: "asanaciju terena, prvu medicinsku pomoć, zaštitu od neeksplozivnih ubojnih sredstava i deminiranje i informacijsko - komunikacijsku podršku za operativne poslove štaba".

Član 3.

U članu 15. stav 2. na kraju teksta tačka se zamjenjuje zarezom i dodaju riječi: "na prijedlog Federalne uprave".

Član 4.

Ova Uredba stupa na snagu narednog dana od dana objavljivanja u "Službenim novinama Federacije BiH".

V broj 688/07

4. oktobra 2007. godine
Sarajevo

Premijer
dr. Nedžad Branković, s. r.



Na osnovu člana 24. tačke 5, a u vezi člana 106. i člana 114. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), Vlada Federacije Bosne i Hercegovine, na 19. sjednici održanoj 22. septembra 2011. godine, na prijedlog Federalne uprave civilne zaštite, donosi

UREDBU

O IZMJENAMA I DOPUNAMA UREDBE O FEDERALNOM ŠTABU CIVILNE ZAŠTITE

Član 1.

U Uredbi o Federalnom štabu civilne zaštite ("Službene novine Federacije BiH", br. 54/03, 38/06 i 74/07), u članu 2. iza stava 2. dodaju se novi st. 3. i 4. koji glase:

"Federalni štab civilne zaštite funkcioniše i u situacijama kada nije proglašeno stanje prirodne ili druge nesreće, odnosno dok Vlada Federacije ne proglasi stanje prirodne ili druge nesreće ili odluči da Federalni štab nastavi djelovati dok se ne otkloni opasnost, odnosno nesreća, bez proglašavanja tog stanja i ovlašten je da naređuje upotrebu snaga i sredstava zaštite i spašavanja koje pripadaju Federaciji i sve mjere zaštite i spašavanja koje mogu doprinijeti sprečavanju nastanka opasnosti ili nesreće ili ublažavanja njenog djelovanja, kao i mjere, postupke i zadatke koje su u funkciji spašavanja, zaštite i zbrinjavanja ljudi i materijalnih dobara ugroženih tom opasnošću, odnosno nesrećom.

U situacijama kada se proglasi stanje prirodne ili druge nesreće na području Federacije, Federalni štab podnosi zahtjev Vladi Federacije za traženje međunarodne pomoći za potrebe Federacije, ako procijeni da je ta pomoć neophodna, predlaže

Vladi Federacije podnošenje zahtjeva Vijeću ministara Bosne i Hercegovine za proglašenje nastanka i prestanka stanja prirodne ili druge nesreće na teritoriji Bosne i Hercegovine, kao i vrstu i broj operativnih snaga zaštite i spašavanja iz Federacije koje se mogu rasporediti u mješovitu specijaliziranu jedinicu za zaštitu i spašavanje za djelovanje u slučaju prirodne ili druge nesreće, za učešće u međunarodnim vježbama, operacijama pomoći i drugim aktivnostima, koju formira Vijeće ministara."

Dosadašnji st. 3. i 4. postaju st. 5. i 6.

U dosadašnjem stavu 3., koji postaje stav 5. riječi: "i o pružanju pomoći nadležnim organima Republike Hrvatske, na zahtjev državnih organa Bosne i Hercegovine u skladu sa Sporazumom između Vijeća ministara Bosne i Hercegovine i Vlade Republike Hrvatske o saradnji u zaštiti od prirodnih i civilizacijskih katastrofa ("Službeni glasnik BiH", broj 7/01)", zamjenjuju se riječima: "i na zahtjev nadležnih državnih organa Bosne i Hercegovine angažuje snage i sredstva civilne zaštite Federacije u pomoći drugim državama na saniranju posljedica prirodnih i drugih nesreća."

U dosadašnjem stavu 4., koji postaje stav 6., broj "1", zamjenjuje se brojem "5."

Član 2.

U članu 6. riječi: "Ureda za informisanje Vlade Federacije" zamjenjuju se riječima: "Ureda Vlade Federacije za odnose s javnošću".

Član 3.

U članu 7. stav 1. tačka 8. riječi: "dva rukovodeća službenika", zamjenjuje se riječima: "rukovodeći državni službenik".

Tačka 10. mijenja se i glasi:

"10. rukovodeći državni službenik iz Federalnog ministarstva finansija - Federalnog ministarstva financija".

U stavu 2. u prvom redu riječ "četiri" zamjenjuje se riječju "pet".

Član 4.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 952/11
22. septembra 2011. godine
Sarajevo

Premijer
Nermin Nikšić, s. r.



Na osnovu člana 19. stav (1) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 24. tačka 5., a u vezi sa članom 114. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), na prijedlog Federalne uprave civilne zaštite, Vlada Federacije Bosne i Hercegovine, na 162. hitnoj sjednici, održanoj 25.03.2020. godine, donosi

UREDBU
O IZMJENAMA UREDBE O FEDERALNOM ŠTABU
CIVILNE ZAŠTITE

Član 1.

U Uredbi o Federalnom štabu civilne zaštite ("Službene novine Federacije BiH", br. 54/03, 38/06, 74/07 i 63/11), član 3. mijenja se i glasi:

"Član 3.

Federalni štab čini komandant, načelnik i 7 članova."

Član 2.

Član 7. briše se.

Član 3.

U članu 8. stav (1) iza riječi "uprave" stavlja se tačka i preostali dio teksta briše se.

Član 4.

U članu 10. stav (1) mijenja se i glasi:

"(1) Sjednice Federalnog štaba, na zahtjev načelnika Federalnog štaba, obavezno saziva i njima predsjedava, komandant Federalnog štaba.
Stav (3) briše se.

Član 5.

Ova uredba stupa na snagu danom donošenja i objavit će se u "Službenim novinama Federacije BiH".

V. broj 457/2020
25. marta 2020. godine
Sarajevo

Premijer
Fadil Novalić, s. r.

